



Synfocity = 749

mail us at : mzsynfo@gmail.com; mizoramsynod@gmail.com - Phone - 2314648

September 5, 2019

❑ **Synod Finance Committee vawi 131-na**

Synod Finance Committee vawi 131-na chu Sept. 3, 2019 (Thawhlejni) khan J.M. Lloyd Hall, Synod Office-ah an thukhawm a, meeting-ah hian member 48 an tel a ni. Committee hi Synod Moderator Rev. R. Lalhmingthanga'n a kaihruai a, Secretary leh Finance Officer Report ngaihthlak a ni. Reports-ah hian Annual Statement of Account 2018-2019 chu SEC 280 of 4-6.6.2019-in a pawm thu te, June 19-26, 2019 chhungin Chartered Accountants ten Audit tuang taka neih a nih thu te, Sum vawn dan training leh Finance Campaign hmun hrang hrangah neih a nih thu te ngaihthlak a ni. April 2019 - August 2019 chhunga sum dinhmun tarlan niin sum hmuh zawng zawng chu Rs. 1,06,13,08,070/- (Nuai singkhat zaruk sawmpathum leh sangriat sawmsarih) a ni. Tun tum Committee-ah hian Agenda 8 awmin Hmangaihna In tana Donation hman dilna chungchang leh Synod Social Front-in CASA nena an thawhhona sum donation an dawn hman an dilna chungchang te chu a langsar zualte an ni.

❑ **Naupang Sunday School Inkhawmpui**

Sept. 8, 2019 (Pathianni) hi Naupang Sunday School Inkhawmpui Ni a ni a, Presbyterian Kohhran hnuaia Bial leh Kohhran hrang hrangah Naupang Inkhawmpui hi hman a ni ang. Naupang Inkhawmpuiah hian Sunday School naupangte chu Pathian thu, hla leh thu inchhang hmangin inelna neih a ni ang a. Heng bakah hian naupangten item hrang hrang a remchan dan angin an nei bawk ang. Naupang Inkhawmpui hi Bial tam zawk chuan intihsiakna atan an hmang a, Bial thenkhat erawh chuan intihsiak lovin an hmang thung. Naupang Inkhawmpui hi atirah chuan Missionary-te thahnemngaihna avanga neih tan a ni a. Kum 1931 khan Aizawl Tlangnuam Kohhranah neih a ni a, hei hi Naupang Inkhawmpui hmasa ber ni-a hriat a ni. Tunhma lam chuan Naupang Inkhawmpui hi Bial hrang hrangin an remchan hunah an nei mai thin a, tun hnai deuh atang khan Bial tinte kan kal rual theih nan MSSU chuan Sunday School Zirlai Syllabus-ah Naupang leh Senior Inkhawmpui hun tur an ruahman tel ve ta a ni. MSSU hnuaiah hian Kum 2018 Synod Inkhawmpui report-a a lan danin Sunday School 1025 a awm mek a, Beginner dept. - Sacrament dept.-ah hian zirlai 1,16,670 leh zirtirtu 23,574 an awm mek a ni.

❑ **Synod Mission Board leh ram pawn chet velna chanchin tlangpui**

♦ **IMA Executive Committee Member**

Aug. 28, 2019 a Indian Mission Association (IMA) General Body meeting Hyderabad-a neih zawh takah Rev. C. Zoramawia, Secretary, Synod Mission Board chu Executive Committee member atan ruat thar a ni.

♦ **Field Committee**

Sept. 2 - 12, 2019 chhung hian Field hrang hrang Tripura, Karbi Anglong leh Assam-ah te Field Committee-in Rev. C. Zoramawia, Secretary, Synod Mission Board leh Committee member-te Rev. F. Lalrinnunga leh Upa K. Sanghmingthanga te an kal.

♦ **Assam Mission Field**

Sept. 1, 2019 (Pathianni) khan Beltola kohhranah ringthar puitling 2 Lal Isua zui turin an inpe.

♦ **Karbi Anglong Mission Field**

Sept. 1, 2019 (Pathianni) khan Diphu Pastor Bial chhung Diphu Kohhranah ringthar chhungkaw 3 atangin puitling 9 leh naupang 6, an vaiin mi 15 te Lal Isua zui turin an inpe.

♦ **Jharkhand Mission Field**

Sept. 6 - 9, 2019 chhung hian Field convention Dhaka khuaah neih a ni a, Speaker Rev. R.T Lianthanga i/c East Lungdar Bial a ni a. He hun hmanpui hian Chanmari Bial Zaipawl leh ei rawngbawl sak turin Chaltlang Kohhran Ramthar Committee tirh mi 40 an kal.

♦ **Arunachal & Assam Mission Field (East)**

Presbytery buatsaihin Mullong khuaah Addict pualin Camping Sept. 4 - 8, 2019 chhungin neih a ni a, Campers 54 an awm a, Field chhung hmun hrang hrang atangin an lut a, Gospel Team Leader, F. Zonunsanga speaker a ni. January - August 2019 chhungin ringthar mi 143 an nei. Kumin chhungin Bial chhung hmun hnih - Roing leh Tezu-ah te Biak In sa turin hmalak mek a ni.

♦ **Masihi Sangati**

Masihi Sangati rawngbawlina kal zelah August thla chhungin ringthar mi 279 an awm a. January - August thla chhungin ringthar 2249 an awm.

Contd..

☐ **Worship**

Sept. 3 - 6, 2019 chhung hian Suarhliap Bialah Zaihruai training neihpuiin Pu Lalromawia, Senior Instructor a kal.

☐ **Education**

♦ Pu P.C. Vanlalhruaia Supervisor of Schools (PES) chu Sept. 4 - 6, 2019 chhung hian PES programme-in Phuldungsei-ah PES dil mek enfiah leh PES awmsa panga tlawhin a kal.

♦ Kumin 2019 - 2020 session kal mek a PES dinhmun tlangpui chu hetiang hi a ni.

1. SEC phalna nei School - 140
2. Zirlai zawng zawng - 31,832
3. Zirtirtu zawng zawng - 1,623
4. Thawktu dang zat - 142

Heng bakah hian PES nei thar Synod-a phalna dil mek 12 an awm bawk.

☐ **Trust**

Sept. 3 - 6, 2019 chhung hian Kawrtethawveng leh Suarhliap Pastor Quarters Fencing siam tur enpuiin Pu Lalramenga Royte, JE a kal.

☐ **FG&CC**

Sept. 4 - 10 chhung hian Tahan, Myanmar-ah FG&CC Programme-in Kristian Chhungkaw Seminar leh Campaign hun hmangin Director Rev. Lalsangbera leh Committee member -te Rev. C. Lalsangliana leh Upa Lalmalsawma te an kal.

☐ **Campus Ministry**

Aug. 26, 2019 khan Govt. K.M High School-ah hun hman niin Aug. 27, 2019 khan Apollo School of Nursing-ah hman a ni bawk. Aug. 28, 2019 khan Central High School-ah hun an hmang leh a ni.

☐ **Para-Church Recognition**

Nilai leh Beihruai Thupui 2019 buah Sept. 7, 2019 (inrinni) zana thupui zir turah Mizoram Synod-in Para-Church recognition a pek te tihhmaih palh a awm avangin, hetiang hi recognition nei te chu an ni:

1. Disciples Society
2. Zoram Evangelical Fellowship (ZEF)
3. Thlarau Bo Zawngtute (TBZ)
4. Mission Foundation Movement (MFM)
5. Zoram Evangelical Mission (ZEM)
6. Set Free Ministries, India
7. Missionary Agency for Understanding, Reference and Intercession (MAURI Society)
8. The Leprosy Mission
9. Varanasi Mission
10. Apostolic India Mission
11. Ramthim Veitute Headquarters Champhai
12. Shalom Mizoram
13. Haggai Institute Mizoram Alumni

☐ **Synod Relief Fund**

Tun hnaia harsatna hrang hrang tawk te hnenah hetiang hian Synod Relief Fund pek a ni.

S.No	Khua	Pek chhan	Chhungkaw zat	Chhawmdawlina pek zat
1.	Khawruhlian Vengthar	Leimin tuar	3	Rs. 28,000/-
2.	Daido	Damlo	1	Rs. 20,000/-
3.	Sihphir	Damlo	2	Rs. 16,000/-
4.	Chhiahtlang Chanmari	Damlo	1	Rs. 8,000/-
5.	Tuikual South	Damlo	1	Rs. 8,000/-
6.	Tlangnuam	Damlo	1	Rs. 8,000/-
7.	Luangpawm	Accident tawk	1	Rs. 8,000/-
8.	New Eden	Damlo	1	Rs. 8,000/-
TOTAL				Rs.1,04,000/-

Pastor Pension Dam lohnain a tlakbuak mi 3 - Rev. Thangpuiliana, Rev. Dr. Lalngurauva Ralte leh Rev. R. Lianbuanga te chu Rs. 5,000/- theuh pek an ni bawk.

- ❑ **Hruaina Eng FM Radio**
 - ◆ **SEPTEMBER 6, 2019 (FM Zoawi - Aizawl & Lunglei @ 7:30 p.m.):**
Solo : Nancy Zothanmawii - A humhim ang, **Sermon** : Upa Lalrammawia Ngente - Tunlai khawvel leh tunlai nun, **Group Zai** : Chaltlang Bial Zaipawl - Nun Krista, **Kohhran Rawngbawlna hrang hrang**
- ❑ **Hruaina Eng TV Programme**
 - ◆ **SEPTEMBER 8, 2019 (Tv Programme) @ 4:00 - 6:00, 8:00 - 9:00 p.m :**
Weekly Round Up, PBS 46th Batch Farewell and Dedication Programme
 - Susamachar Prasaran Programme**
 - ◆ **SEPTEMBER 8, 2019 (Pathianni) 5:00 pm. :**
Group/Choir/Solo : The Leprosy Mission Choir - Ham Soup Te He, **Group/Choir/Solo** : Durtlang Masihi Sangati - Halleluiahs Chorus, **Sermon** : Rev. P.C. Rohlira, **Group/Choir/Solo** : Sihphir Vengthar Masihi Sangati - Na to bal se, **Group/Choir/Solo** : H. Vanlalinga - He Mere Man
- ❑ **Moderator leh Executive Secretary-te Programme:**
 - Rev. R. Lalhmingthanga : Moderator**
Sept. 5 - 10, 2019 Kohhran tlawh - Hyderabad leh Bangalore
 - Rev. Lianhmingthanga Sailo : Senior Executive Secretary**
Sept. 9 - 15, 2019 chungin zin chhuah programme a nei lo a, Office-ah a thu ang.
 - Rev. B. Sangthanga : Executive Secretary**
Sept. 10, 2019 Hmangaihna In committee.
Sept. 11, 2019 Hospital BEC.
Sept. 12 - 14, 2019 John Williams Hospital Committee, Lunglei
 - Rev. K. Lalrinmawia : Executive Secretary**
Sept. 8, 2019 Lungdai Kohhran.
Sept. 9 - 11, 2019 Meitei Kohhran Working Committee, Manipur.
Sept. 12, 2019 MSK Working Committee
Sept. 13, 2019 Education BEC leh Central KTP Special Committee.

Synod Revival Hriattirna

Sept. 10 - 14, 2019 chung hian Synod Revival Camping Center, Neibawihah a duh apiang tan Camping buatsaih a ni dawn a. Speaker tur chu Upa C. Zosangliana, Lalpa Chhiahhlawh Team a ni ang. Camping Fee Rs. 100/- (mi pakhat tan) a ni a, Mutbu bakah Bible, Hla bu, Pen, Note Bu ken tur a ni. Camp neihna hmun Synod Revival Camping Centre, Neibawih-ah Chhun dar 11 atanga tlai dar 4 inkarah Registration tih fel vek tur a ni a, rokhawlhna lian tak nei an nih loh chuan tlai dar 4 hnu lamah in Register theih a ni lo ang. He camp-ah hian mawhphur turin Bungkawn Bial ruat an ni.

Synod Social Front Hriattirna

Synod Social Front chuan eizawna mumal neilo, Serchhip District huam chhunga mite tan Plumbing Training, a hnuaia tarlan ang hian a buatsaih dawn a. Eizawn nana hmang duh tur tan training hi dil theih a ni a, dilna chu Secretary, Serchhip Kawnpui Kohhran hnenah thelhuh tur a ni.

Hriat tur tul te :

1. Dilna lehkhah hian mahni chanchin (biodata/resume) kimchang ziah lan tur a ni.
2. Dilnaah mahni lawina Kohhran lehkhah thiltel tur.
3. Dilna hi October 4, 2019 hma-in Serchhip Kawnpui Kohhran Secretary hnenah thelhuh tur a ni.
4. Diltute chu October 4, 2019 dar 1:00 p.m.-ah Serchhip Kawnpui Kohhran Committee Room II-ah personal interview neih tur a ni ang.
5. Training hun chung October 21 - 31, 2019
6. Training-na hmun Serchhip Kawnpui Kohhran Hall
7. Training chhunga awmna tur chu mahni inngaihtuah tur a ni a, awmna tur hre lo tan Secretary, Serchhip Kawnpui Kohhran hnenah awmna tur ngaihtuhsak turin dil theih a ni ang.
8. Trainees te hi stipend Rs. 1,000/- pek an ni ang.